



25. oktober 2018

UKA2018/141

Nuummi illut minillugit Illunik aningaasalersuisarnerup, niuruteqarnerup attartortitsisarnerullu unammilleqatigiinnermik tunngaveqarnerulernissaat pillugu 2020-mi Upernaakkut ataatsimiinnissamut najukkani assigiinngitsuni illut suuneri najoqqutaralugit periarfissat pillugit nalunaarsioqqullugit Naalackersuisut peqquneqarnissaanik Inatsisartut aalajangiiffigisassaattut siunnersuut. Nalunaarusiami aamma ineriartorneq tamanna siuarsarumallugu periarfissaasinnaasut pingaarnersiorlugit allaasereqquneqarput.

(Aleqa Hammond, Nunatta Qitornai)

Demokraatit inatsisartunut ilaasortaata Justus Hansenip siunnersuutaanut soqutigintumik qujaqqaarumavugut.

Inuiaqatigiit ataasiuvugut. Qinersivik ataasiuvugut. Akileraartarneq karsimut ataatsimut pivoq. Inuiaqatigiit pisinnaatitaaffivut ataasiupput tamanut ataatsimut atuuttuusut.

Taamaakkaluortoq assigiinngitsorujussuarnik atugassaqartinneqarpugut, uani inissaqarniarneq illoqarniarnerlu eqqarsaatigalugu. Tamanna akueriinnarneqarsinnaanngilaq.

Piffiit ilaanni sanaartorneq annertoorujussuaq ingerlanneqartoq, massa Nuummi taamannak innuttaasut 30.000-nngornissaannut piareersarlutik inissialiornissaarsuarmut pisut piffiillu ilaanni inissialiorneqanngiivittoq aallaat oqartoqartarpoq kaattarpallanngumilluunniit tusartoqarneq ajorpoq taama sanaartorneq uninngalluinnartigitinneqarmat.

Inuiaqatigiit peqqissut imminullu akisussaasut tassaapput namminerisamik ineqarumasuusut imminullu ilaqtariittut toqqissisimasumik atugaqarumallutik siunnerfillit.

Piffiit ilaanni inissialiornermi illuliornermilu Realkredit aqqutigalugu aningaaserivikkullu ajornaquteqanngitsumik taarsigassarsinnaatitaasut taamaasillutillu initaarniarlutik allatsissimasunit utaqqiluttoratik imminerisaminnik peqalersinnaasarput. Piffiilli ilaanni nunaqqatigiusaarlutigit taakkutuulli atugassaqartinneqaratillu periarfissinneqarneq ajortumik, massa taakkutuulli initaarumasut aningaasanik ileqqaartut aammalu siunertaqartut. Sumi najugaqarnermik tunngaveqartumik pillaatisiaralugulusooq inissisimatinneqartartut uagut maani aaliangiisartutut allanngortilluinnartariaqarparput.

Siunnersuuteqartup tunngavilersuutai paasilluarpavut aammalu isumaqarpugut tapersersugasaaq minnerunngitsumillu nuannaarutigarpur naalackersuisunit siunnersuut paasilluarneqarluni

Nunatta Qitornai

Inatsisartuni



nalunaarusiornissami tamanna ilanngullugu suliarineqartussanngortoq soorlu siunnersuuteqartup allanneratuut upernaakkut 2020-mut inatsisartunut saqqummiussisussanngortillugit.

Siunnersuutigineqartoq ilassilluarlutigu siunnersuuteqartoq qutsavigaarput, inassutigalugulu ineqarnermut ataatsimiititaliamit suliarineqassasoq.